



Broj: 14-11-661/21
Vogošća, 21.05.2021. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 21.05.2021. godine donio je

**ODLUKU
O IZBORU NAJPOVOLJNIJEG PONUĐAČA ZA PRUŽANJE USLUGE NABAVKE I
PREGLEDA VATROGASNIH APARATA KAO I PREGLEDA HIDRANTSKE MREŽE U
ZGRADI OPĆINE VOGOŠĆA**

Član 1.

Ponuda ponuđača Agencije za zaštitu ljudi i imovine "Inza" d.o.o. Sarajevo, ulica Vitomira Lukića broj 12 A. Sarajevo, odabrana je za pružanje usluge nabavke i pregleda vatrogasnih aparata kao i pregleda hidrantske mreže u zgradi Općine Vogošća, kao prvoplasirana na Rang listi, uz primjenu preferencijalnog tretmana domaćeg, sa ponuđenom ukupnom cijenom nabavke u iznosu od 2.688,00 KM bez uračunatog PDV-a, odnosno 3.144,96 KM sa uračunatim PDV-om.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 22.04.2021. godine donio Odluku o pokretanju Otvorenog postupka nabavke i pregleda vatrogasnih aparata kao i pregleda hidrantske mreže u zgradi Općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 26.04.2021. godine pod brojem: 1353-1-2-54-3-54/21. Sažetak Obavještenja o nabavci objavljen je u "Službenom glasniku BiH" broj: 27/21 od 30.04.2021. godine.

Tendersku dokumentaciju sa Portala javnih nabavki BiH je preuzelo 8 (osam) ponuđača. Krajnji rok za dostavu ponuda bio je 17.05.2021. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 17.05.2021. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 14-11-661/21 iz aprila 2021. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 4 (četiri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Maher" d.o.o. Sarajevo	7.888,00	/	/	9.228,96
2	"Vatrosistemi" d.o.o. Sarajevo	7.756,00	/	/	9.074,52
3	"Granulo-RE" d.o.o. Sarajevo	8.000,00	/	/	9.360,00
4	Agencija za zaštitu ljudi i imovine "Inza" d.o.o. Sarajevo	7.852,00	/	/	9.186,84

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Maher" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 9.9.1.TD je propisano da će ugovorni organ dostaviti na potpis izabranom ponuđaču prijedlog Okvirnog sporazuma, i to nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude. Prijedlog Okvirnog sporazuma je uključen u Aneks 7. tenderske dokumentacije ("nacr"). Ponuđač treba potpisati prijedlog Okvirnog sporazuma i popuniti sve dijelove koji su ostavljeni prazni (nacr okvirnog sporazuma mora biti uredno popunjen, potpisan i ovjeren pečatom ponuđača).

Ponuđač "Maher" d.o.o. Sarajevo je propustio da popuni dijelove koji su ostavljeni prazni u nacrtu Okvirnog sporazuma-član 3. nacrta Okvirnog sporazuma (str. 29. Ponude), te je na taj način postupio suprotno jasno postavljenom zahtjevu ugovornog organa iz TD. Navedene činjenice kao žalbene navode koji su usvojeni kao osnovani potvrđuje i praksa Ureda za razmatranje žalbi BiH-Filijala Mostar kroz Rješenje broj: JN2-03-07-1-587-8/19 od 28.03.2019. godine.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponude ponuđača:

- "Vatrosistemi" d.o.o. Sarajevo,
 - "Granulo-RE" d.o.o. Sarajevo i
 - Agencija za zaštitu ljudi i imovine "Inza" d.o.o. Sarajevo
- ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računaska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Komisija za javne nabavke je konstatovala da su ponuđači "Granulo-RE" d.o.o. Sarajevo i Agencija za zaštitu ljudi i imovine "Inza" d.o.o. Sarajevo u skladu sa tačkom 9.2.1.TD u svojim ponudama dostavili Potvrde Vanjskotrgovinske komore BiH/Potvrde nadležnih entitetskih komora, a u cilju dokazivanja ispunjenja uslova o primjeni preferencijalnog tretmana domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 34/20).

Tačkom 9.2.TD je propisano da će ugovorni organ u svrhu poređenja ponuda primijeniti preferencijalni tretman domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 34/20), te će u svrhu poređenja ponuda umanjiti cijene domaćih ponuda za preferencijalni faktor od 30% u postupcima javnih nabavki kod kojih je objavljeno obavještenje o nabavci ili upućen poziv kandidatima/ponuđačima za postupke koji nemaju obavještenje o nabavci u periodu od 01.06.2020. do 01.06.2021. godine.

Domaćim ponudama se smatraju ponude koje dostave pravna ili fizička lica sa sjedištem u BiH i kod kojih, u slučaju ugovora o uslugama i radovima, najmanje 50% radne snage za izvršenje ugovora su rezidenti iz BiH.

Ponuđač "Vatrosistemi" d.o.o. Sarajevo je u svojoj ponudi (strana 29. Ponude) dostavio Uvjerenje broj: 13-9/4-12-5-2309/21AJ od 23.04.2021. godine, izdato od Porezne uprave Federacije BiH-Porezna ispostava Novi Grad Sarajevo, kojim se dokazuje da porezni obveznik "Vatrosistemi" d.o.o. Sarajevo ima 27 registrovanih osiguranika i više od 50 % istih su rezidenti FBiH.

Tačkom 7.1.2. TD je propisano da će Ponuđač u ponudi dostaviti i potvrdu od Vanjskotrgovinske komore BiH ili nadležne entitetske komore u originalu ili ovjerenj o kopiji ne starijoj od 3 mjeseca za predmetne usluge u cilju dokazivanja ispunjenja uslova o primjeni preferencijalnog tretmana domaćeg.

Ukoliko ponuđač ne dostavi traženu potvrdu za predmetni postupak, cijena njegove ponude se u svrhu poređenja ponuda, neće umanjiti za preferencijalni faktor.

Također, tačkom 9.2.7. TD je propisano da su ponuđači u ponudi dužni dostaviti potvrdu Vanjskotrgovinske komore BiH ili nadležne entitetske komore o ispunjavanju uslova za preferencijalni tretman.

Ukoliko ponuđač ne dostavi traženu potvrdu iz tačke 7.1.2. TD njegova ponuda se neće umanjiti za 30 % prilikom poređenja ponuda.

Komisija za javne nabavke je konstatovala da ponuđač "Vatrosistemi" d.o.o. Sarajevo nije ispunio jasno postavljeni zahtjev ugovornog organa iz TD, kojim je nedvosmisleno kao dokaz za ispunjenje uslova o primjeni preferencijalnog tretmana domaćeg zahtjevana potvrda od Vanjskotrgovinske komore BiH ili nadležne entitetske komore, te stoga kao dokaz za preferencijal nije uvaženo dostavljeno Uvjerenje u ponudi Ponuđača, izdato od Porezne uprave Federacije BiH-Porezna ispostava Novi Grad Sarajevo.

Tenderskom dokumentacijom-tačkom 9.5. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 19.05.2021. godine u 14:15 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 19.05.2021. godine, Komisija za javne nabavke je sačinila Rang listu u Otvorenom postupku nabavke i pregleda vatrogasnih aparata kao i pregleda hidrantske mreže u zgradi Općine Vogošća kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	Agencija za zaštitu ljudi i imovine "Inza" d.o.o. Sarajevo	2.688,00*	3.144,96
2	"Granulo-RE" d.o.o. Sarajevo	2.696.00*	3.154,32
3	"Vatrosistemi" d.o.o. Sarajevo	3.800,00	4.446,00

*Označava cijenu na koju se primjenjuje preferencijalni tretman

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača Agencija za zaštitu ljudi i imovine "Inza" d.o.o. Sarajevo, za pružanje usluge nabavke i pregleda vatrogasnih aparata kao i pregleda hidrantske mreže u zgradi Općine Vogošća, kao prvoplasiranom na Rang listi, uz primjenu preferencijalnog tretmana domaćeg, sa ponuđenom ukupnom cijenom nabavke u iznosu od 2.688,00 KM bez uračunatog PDV-a, odnosno 3.144,96 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršč

Melisa Kršč

Dostavljeno:

- | | |
|---|-------------|
| 1. "Maher" d.o.o. Sarajevo | 033/218-374 |
| 2. "Vatrosistemi" d.o.o. Sarajevo | 033/780-131 |
| 3. "Granulo-RE" d.o.o. Sarajevo | 033/767-551 |
| 4. Agencija za zaštitu ljudi i imovine "Inza" d.o.o. Sarajevo | 033/777-401 |
| 5. Nadležnoj Službi | |
| 6. U dosije | |
| 7. a/a | |



OPĆINSKI NAČELNIK

Edin Smajić

Edin Smajić